

## PESAN RASUL KEPADA ALI

1. Wahai Ali, kamu dengan ku sama seperti kedudukan Harun dengan Musa, melainkan **tiada lagi nabi selepas ku.**

**Pada hari ini aku berpesan kepada mu dengan satu pesanan yang jika kamu menjaganya, kamu akan hidup mulia @ mati dalam keadaan syahid.**

**Allah pula akan membangkitkan kamu pada hari kiamat nanti sebagai orang yang fakih & berilmu pengetahuan.**

2. Wahai Ali, sesiapa yang **makan benda yang halal**, agamanya menjadi murni & hatinya menjadi lembut. Tiada sekatan bagi doanya untuk dimakbulkan.

Sesiapa yang makan benda yang syubhah, agamanya menjadi celaru & hatinya menjadi gelap. Sesiapa pula yang memakan benda yang haram, hatinya menjadi mati, agamanya menjadi rendah, keyakinannya menjadi lemah.

Allah pula menyekat doanya. Ibadahnya menjadi kurang.

3. Wahai Ali, **apabila Allah marah atas seseorang, Dia memberi rezeki daripada harta yang haram.** Apabila kemarahannya keatasnya bertambah, Dia menghantar syaitan sebagai wakil dengan memujinya lalu menjadi sahabatnya.

Syaitan menyibukkannya dengan dunia daripada agama. Dia memudahkan perkara-perkara dunia sambil berkata \*Allah maha pengampun lagi maha penyayang\*.

4. Wahai Ali, tiada siapa yang bermusafir mencari perkara yang haram, melainkan ia berjalan dengan syaitan sebagai temannya, & tiadalah ia menunggang kenderaannya melainkan syaitan sebagai penumpang.

**Dan tiada sesiapa pun yang mengumpul harta yang haram melainkan syaitan yang memakannya. Tiada sesiapa pun yang lupa membaca nama Allah ketika berjimak melainkan syaitan turut campur dalam urusan anaknya.** Demikianlah firman Allah dalam surah Israk ayat 64 \*dan turut campur dengan mereka dalam menguruskan harta benda & anak-anak mereka, & janjikan dengan mereka dengan janji-janji mu\*.

5. Wahai Ali, **Allah tidak menerima sembahyang melainkan ada wuduk, tidak juga menerima sedekah daripada benda-benda yang haram.**

6. Wahai Ali, **seorang mukmin sentiasa bertambah pegangan agamanya selama mana mereka tidak makan benda yang haram.**

Sesiapa yang menyisih diri daripada ulama, matilah hatinya dan menjadi buta daripada membuat ketaatan kepada Allah yang maha tinggi.

7. Wahai Ali, sesiapa yang membaca Al Quran tetapi tidak **menghalalkan benda yang halal & tidak mengharamkan benda yang haram didalamnya, ia termasuk dari kalangan mereka yang membuang kitab Allah kebelakang mereka.**